



kat.komp.

17505

I

Mag. St. Dr.


P

Foris Ioan: Oratio cum electus in Rector-
em Almae Universitatis Cracoviensis
Rev. D. Nicolaus Dobrowiecki Uj. S.
confirmaretur?

PANEG. et VITAE

Polon. 4

№ 164



ORATIO
IOANNIS FOXII I.V. DO-
CTORIS, CANONICI CRACOVIAN.

Cum electus in Rectorem almæ
Vniuersitatis Cracouiens Reuerendus Dñus NICOLAVS
DOBROCIESKI I. V. Doctor, Crac. & Sendomiriens
Canonicus, confirmaretur.

Habita in Collegio maiori die 27 Aprilis,
Anno Dñi M. DC. II.



CRACOVIAE,
In Officina Iacobi Sibeneycher,
Anno 1602.

Doctissimis & Nobilissimis Academiae Crac.
Professoribus & Studiosis Autor S.

Intelleximus multorum vestrum sermone, probari vobis ea quae nuper apud
vos in sollemni Rectoris inauguratione breuiter diximus; quae cum à no-
bis desideraretis, en ad vestram voluntatem in publicum prodeunt. Le-
gite haec & conseruate, non tam ad nostram, quam ad eius, cuius causa
dicta sunt, tanti viri & Rectoris nostri memoriam sempiternam. Sub
eius regimine florete & viuite diu felices, bonis literis & patriæ.



175051

ORATIO.



Anta fuit maiorum nostrorum prudentia, tantus erga bonas literas amor, vt cum Aca-
demiā hanc religionis Catholicę semina-
rium, Regni huius decus & ornamentum,
ante ducentos annos condidissent, duabus præcipuis
rebus honore & libertate quasi quibusdam alis eam
in altum extulerint. Ac primum quidem ille qui
alit artes, honos, magnus semper professoribus, &
his qui ab ipsis erudiebantur, habitus est; iique Re-
gum & Principum olim delitiæ erant: quod cum alia
multa tum hæc præcipue regalia sceptrā honoris cau-
sa Gymnasio huic tradita testantur. Libertatis verò il-
lud, vel maximum argumentum fuit, quod eos qui stu-
dia tractarent, non vno eodēque iure, cum aliis cen-
seri voluerunt, sed leges quasdam indulgentiores iis
præscripserunt, quibus & controuersię illorum ex bo-
no & æquo dirimerentur; & errata, sine quibus in mul-
torum societate rarò viuuntur corrigerentur. Neq; ve-
rò his contenta piorum Principum largitas, & illud
etiam concessit, vt suos peculiāres hæc Respublica
litteraria haberet magistratus; ipsaq; eū quem vellet,
quem virum bonum & officio hoc dignum iudicaret,
sibi præficeret. ex qua vna re duo præcipua in eam re-
dunarunt commoda: alterum, ne per diuersa iudi-

cum subsellia, ii qui bonas artes colunt, cum magna
studiorum, & fortunarum iactura traherentur: alte-
ruin, vt & præmiorum distributio, à proprio magistra, &
tu gratior, & pœnarum irrogatio, velut ab altero pa-
rente profecta clementior, & tolerabilior foret. Hæc
est nostra qua iure gloriamur libertas, res illa quæ nul-
lo precio æstimari, non bene, pro toto auro vendi po-
test, cuius dulci recordatione, toties oblectamur, quo-
ties statis anni tēporibus Rectorē eligimus, electūmq;
more, & instituto veteri, publicè comendamus. quod
prudentissimè sane à maioribus nostris institutum est.
Laudari enim duces & rectores suos novos voluerūt,
tūm vt illis laudibus, quasi stimulis quibusdam ad for-
tius & alacrius pro bono communi currendum & de-
pugnandum, non secus ac milites prælium ingressuri,
excitarentur: tūm verò vt hi qui quotidie ad hanc scho-
lam noui veniunt, virtutes illorum cognoscant,
iisq; libētius obedientiam & reuerentiam omnem ex-
hibeant. Hoc ipsum mihi nunc apud vos faciendum
est; & nouus, quem ante duos dies elegimus, Rector
ex hoc loco breui oratione commendandus. Pluri-
mūm autem me solatur, quòd vos omnes narrandis
laudibus eius fauere, certò mihi persuadeam, idq; vel
ex faustis illis acclamationibus, in renunciatione ipsi-
us publicè factis, quibus quantam voluptatem ex ele-
ctione tanti Rectoris, animo conceperitis, primis ve-
stris vocibus declarastis: quam lætitiā & applausum
vestrum

vestrum; ut non inanem esse cognoscatis, illud vnum
est, in quo mea versabitur oratio, quod etiam animi
& ora vestra loquuntur, talem nobis hoc tempore
Rectorem diuinitus obtigisse, in quo non adumbrata,
sed omnium virtutum coloribus ad viuum expressa,
boni & vigilantis Rectoris cernitur imago. Nam
cum multa sint quæ in eo qui aliis præesse debet, tum
præcipuè tria illa requiruntur; magna optimarum re-
rum scientia, præstans virtus, & singularis quædam au-
thoritas, quorum vnum sine altero ad boni regiminis
normam non sufficit. Non enim scire solum conue-
nit eum, qui magistratum gerit quæ sint sui muneris
partes, quæ officia; sed etiam conniti & velle atq; a-
deo euigilare debet, ut officio suo satisfaciat: tum ve-
rò, quod caput rei est, ut non tantum sciat & velit, sed
ut etiam possit exequi id quod probè intellexit & o-
ptimè voluit. Primum itaque illud, ut sciat difficile
regendi munus, præstabit illi multiplex scientia; alte-
rum ut velit, egregia faciet virtus; deniq; ut possit om-
nia ad effectum deducere, eximia dabit autoritas.
Hic est ille funiculus triplex, qui difficilè rumpitur,
cum nimirum excellens doctrina cum præstanti virtu-
te & singulari autoritate in pectore & vultu Rectoris
coniuncta fuerit. Quamuis verò hæc omnia cuique
gubernacula regēdi populi suscipienti necessaria sint,
maiori tamen quadam ratione in hoc Rectoris nostri
supremo magistratu desiderantur. Nam quod sci-

entiam

entiam attinet, nihil est quod quisquā existimet, hanc
Vniuersitatem absq; maximarum rerū cognitione re-
cte posse administrari. Licet enim difficile sit hominē
animal omnium maximè varium & multiplex regere,
tum verò longè difficilior munus est, eum regere qui
alios instruit. Quanta sapientia ad regendos illos opus
est, qui & ipsi sapientię studia profitentur, qui sunt ve-
luti capita quædam populorū, & duces multitudinis.
Vt enim generosus equus non quemlibet sessorē pa-
titur: sic sublimiores illę philosophantium animę, non
quemlibet rectorem & moderatorem admittunt. Mul-
torum itaque seculorum prudentia & consiliis fulciri
debet, qui illis præest, quos multarum ætatum oculis
& vita, videre & viuere intelligit. Iam verò iuuentu-
tis cura & gubernatio, quantam in nostro Rectore sa-
pientiam requirat, vel ex eo solo intelligetis, quod sa-
pientissimus ille mortalium, qui optione data à Deo,
illam vnicam, sedium diuinarum assistricem sapienti-
am, tanquam ad regendos populos apprime necessari-
am sibi dari postulauit, illud se ignorare fateri non e-
rubuerit, viam viri in adolescentia. Audite vocem di-
uina sapientia illustrati Salomonis: Ignoro viam viri
in adolescentia. Quis ergo est qui eam scire possit?
Prudentissimus ille fuerit, qui coniectura assequatur
animum adolescentis, qui eum in via honestatis & vir-
tutis retineat, qui ad mansuetudinem & frugem per-
ducatur. Multis sanè ille facibus literarum opus habet,
qui

qui currentes velut per effusas noctium tenebras iuue-
num animos moderatur, ne aut ipse aberret, aut mul-
tos in præcipitium agat. Et vt virtutes etiam attinga-
mus, hæ in eo, qui supremum apud nos magistratum
suscipit, debent esse amplissimæ. Nunquam enim so-
la scientiæ & doctrinæ vbertas, ad regendos sapien-
tium animos, & cœtus suffecerit: sed tum demum rectè
administrantur magistratus, cum iudex alios quod mo-
net ipse facit; ne vna manu suos ad virtutē trahere, al-
tera retrahere; vna ædificare, altera destruere videatur.
Quo in genere præclara mihi visa est sententia magni
illius Theologi Gregorii Nazianzeni: Qui, inquit, vel
solos mores, vel solam doctrinam consequuti sunt, ab
altero autem horum deferuntur; ij similes sunt luscis
oculos habentibus, quibus cum magnum detrimētum
sit, tum verò maior turpitudine, siue alios cernant, siue
ab aliis cernantur: at quibus vtraque laude excellere
ac veluti ambidextros esse cōtigit, hi nimirum omni-
bus numeris absoluti sunt, ac cum alterius vtiæ beati-
tudine vitam agunt. Cùm itaque magistratus hic no-
ster, nihil aliud sit quam vigilantissimus quidam ocu-
lus, qui aliorum vitam & professionem intuetur, in-
quem vicissim omnium oculi coniecti sunt, vtrumq;
oculum rectum habeat necesse est, ne turpe illi sit, vel
aspici ab aliis, vel aliorum vitam inspicere. Nolo ego
hic commemorare virtutes, quibus ornatum esse Re-
ctorem nostrum oporteat. Sufficiat illud vnum pro
multis

multis dixisse. Omnium virtutum choro comitatū esse debere eū qui eos regit in quibus omniū virtutum norma & exemplar esse debet; qui disciplinam suam non ostentationem scientiæ, sed legem vitæ statuunt; cum quorum vita, nullo modo pugnare debet oratio. Sed & illud vobis persuasum esse existimo in eo qui cathedram hanc ascensurus sit, maximam authoritatem requiri; quæ nihil aliud est, quam magna quædam hominum de præstantibus alicuius viri virtutibus opinio. Nam etsi munus hoc Rectoris sit ipsum per se magnum, maius tamen & sublimius apparet, si authoritate præstantis personæ fulciatur. Verissimum enim illud est: tales ac tantos esse omnes magistratus, qualis ac quanta eorum qui eos gerunt virtus & authoritas est. Proinde mandatis præsidium provinciæ, prudenter ab Imperatoribus adiici refert Iurisconsultus, vt ita se gererent, vt authoritatem dignitatis ingenio suo augerent. Cū authoritas Rectori adest, tumultus exorti facile sedantur, controuersiæ paruo labore dirimuntur, disciplina viget, tranquillitas reuiuiscit, coërcetur in improbis reformidato supplicio audacia, & nocendi facultas. Hæc adeo necessaria est, vt qui eam non habuerit, nullo modo suscipere magistratum possit & debeat. Noli, inquit Sapiēs, velle fieri iudex, nisi valeas virtute irrumperere iniquitates. Videtis iam triplicem hunc funiculum sciētiae virtutis & authoritatis; quem ille, cuius hæreditatis fors Dominus fuit, ille inquam, cuius

cuius funiculum Deus inuestigauit, summis ab eo
votis, ad regendum populum dari sibi petiit. Daud
inquam ille sedens in cathedra, sapientissimus prin-
ceps inter tres, quasi tenerimus ligni vermiculus, hæc
à Deo postulat: Bonitatem & disciplinam, & scienti-
am doce me. Scientiâ, qua alios instruat; Bonitatē qua
multis exemplo sit; Disciplinæ authoritatem, qua cæ-
teros omnes in officio contineat. Sed de his, quæ in
Rectore requiruntur, hæc breuiter commemorasse suf-
fecerit. Ad hoc tantum ac sublime munus, cum no-
bis eligendus esset vir idoneus, qui hæc omnia com-
parata haberet, scitis quem elegerimus, cui honores,
& libertates nostras crediderimus. Quid enim eum ex
nomine publicè renūciatum nunc compellem, quem
primo iam loco, ad clauum huius nauis consedis-
se videtis? Cuius laudes, si pro dignitate essent recensē-
dæ, & tempore longiore, & oratore disertiore opus
esset. Vellem ego vir clarissime DOBROCIESCI, vt ali-
quid aliud tibi potius per me accessisset honori, quā
cumulus iste laborum, ad graues & arduas tuas occu-
pationes, sed pro tua prudentia ignosces, non tam vo-
tis meis, qui tibi magnitudine amoris & beneficiorū
tuorum deuinctus summa omnia vti debeo cupio,
quàm diuinæ cuidam & præstantissimorum virorum
coëlectorum meorum voluntati. Videbant illi magna
in te dona & talenta Dei. & primò quidem animum,
omni liberali doctrina excultum. Quid enim est in o-

mni genere scientiarum tam excellens quod te lateat?
Tu Philosophorum arcanos illos recessus, tu Iuris &
Canonum oracula, tu Theologorum penetralia adii-
sti: tu ex omni liberali doctrina, omissis spinis, flo-
res ipsos velut sedula apis decerpisti: tu fractis & abie-
ctis corticibus, quod multi facere nesciunt, nucleos
ipsos degustasti: tu Lumina illa Academiae, adeoque
patriae nostrae Gorscios, Socolouios, propius aspexi-
sti, ex quorum lumine, multarum in te scientiarum
splendor facile redundauit. Memini quale de te Gor-
scius publicè iudicium faceret, quid ipse Socolouius,
qui te vnicè dilexit, qui in tuo complexu mori volu-
it, de te sæpius diceret, cum diuino illo & præfago a-
nimo, ex floribus tum virtutum tuarum, fructus vbe-
rissimos quos iam accepimus, multo ante prænunciaret.
Florebat doctrina tua in scholis, cum in magna auditō-
rum vndique ad te confluentium caterua Philosophiæ
primùm, mox Legum & Canonū studia, multo tem-
pore profitebaris. Fructum verò protulit hæc eadem
doctrina tua vberem, cum in Ecclesiasticis cathedris,
voce hac tua graui, & plena cuiusdam maiestatis, cō-
ciones ad populum zeli cultus diuini plenas faceres.
qua in re & ingenii tui vbertate, & iudicii memoriæq;
præstantia, cæteros omnes aut æquabas, aut supe-
rabas. Subit mihi in mentem illa animi & inge-
nii tui vis, quam in publica disputatione Lublini,
cum blasphemis Arrianis habita ostēdisti, quo tempō-
re,

re tantum tibi Deus dederat Spiritum, vt planè ob-
structum fuerit os loquentium iniqua. quæ res vna;
dicam audacter, etiamsi nulla essent doctrinæ tuæ testi-
monia, sola nomen tuum illustrare, & ad longam po-
steritatem transmittere, adeoque syderibus iplis infer-
re potuit. Plura de doctrina & scientia tua nolo inte-
rim dicere, hanc enim mox nobis tua pandet oratio.

Virtutes verò tuas excellentes, cum singulari doc-
trina coniunctas quo sermone assequar? qui tantum
paucas ex illis attingere institui. Ex illo angustiori vi-
tæ tuæ priuatæ campo, quàm vt in eo virtus tua posset
excurrere, translatus ad publica negocia à magno illo
& immortali memoria digno Cardinali RADZIVILO,
qualem ac quantum te præstitisti? Idem tibi profectò
quod quondam Israël's Regi Sauli accidit. Qui dum
asinas patris quæreret, regnum inuenit. Sic tu cum of-
ficiū tuum, ad quod te Deus vocauerat, imples; cum
ex virtute vitam ducis, cum attendis lectioni, exhorta-
tioni, & doctrinæ, cum oues Christi ad vnū ouile con-
uocas, magnum honoris & dignitatis gradum quem
non quærebas inuenisti. Sic nimirum Deus iustorum
labores complet, sic eorum virtutes coronat. Restitu-
it Cardinalis Radziuilus templa, monasteria, veterem
disciplinam reuocauit, Diocesim hanc longè latequē
patentem, vniuersam ipse lustrauit, fidem Catholicam
propagauit, Academiam hanc, vt primum vidit, & te
in ea, causa honoris mei, verba facientem audiuit, vni-

cē dilexit, Professoribus publicē & priuatim magna
beneuolentiæ signa exhibuit, singulos nominatim
cōpellabat, præclara amoris sui pignora moriens ipsis
reliquit. Horum tu, qui Cancellarius eius eras, ma-
gna pars fuisti. Tuis hæc laboribus, vigiliis, tuis præ-
cipuē debentur virtutibus. Admiror ego tuum singu-
larem erga Academiam hanc amorem, cuius vel vnū
tantum illustre, nec omnibus fortasse notum adferam
testimonium: illud nimirum, Quod cum in Comitiiis
Regni, Varſauiæ, causa quædā Vniuersitatis eaq; ma-
gni momenti per præconem ad iudicium vocaretur,
patronusque causę non venisset: tu, qui tum ad latus
Cardinalis eras, ne quid detrimenti Vniuersitas hæc
acciperet, non erubuisti in medium prodire, & in illo
theatro pro bono hoc communi coram Rege & Sena-
tu, ex tempore ita perorare, vt & tibi vincere glorio-
sum, & Academiæ bonum ius malè non amittere
honorificum esset. Taceo infinitas alias virtutes tuas,
innocentiam, vitæ bonitatem, mansuetudinem, cle-
mentiam, liberalitatem, in consiliis dandis prudenti-
am, ac inuictam animi fortitudinem, quæ facit, vt ne
que in prosperis superbias, nec in aduersis succūbas.
Non est huius temporis, omnes virtutum tuarum lau-
des recensere, nec pudor tuus patitur, & sanè, eas me-
lius vultus tuus prodit, quàm meus sermo potest ex-
primere. Ex quo virtutum omnium cum singulari
doctrina coniunctarum pulcherimo cœtu, tantam ti-
bi apud

bi apud omnes authoritatem comparasti; vt non nisi
summa omnia à te sperare, & expectare possimus. Sæ-
pè quidem antea consiliorū tuorum authoritas Aca-
demiæ salutaris fuit, sed nunc summopere necessaria
est, cum in mediis fluctibus agitamur, cum duarum
facultatum sedes ferè iam orbatas Doctoribus cerni-
mus, cum post tot continuata bonorum Professorum
funera, magnam cladem accepimus, cum maiorum di-
sciplinæ aut obliterati, aut pertæsi, multū à prisca virtute
& gravitate recessim⁹. Euigilet igitur sollicita tua cu-
ra & consideratio, in omnes gymnasij huius partes, ita
vt sapientia & doctrina tua, veterem dignitatem bo-
nis artibus restituat; virtus verò hæc excellens ad om-
nem honestatem & vitam in timore Dei agendam nos
omnes reducat: deniq; authoritas, exitiosa discordia-
rum semina, antequam medicinam vincat morbus,
euellat, opusq; illud pulcherimum reformandæ Aca-
demiæ iam à te cœptum perficiat. Quod reliquum est,
sicut quondam Pharaon cum Ioseph cōstituisset super
vniuersam terram Ægypti torquem auream illi dedit,
tulit anulum de manu sua, & posuit in manu eius, fe-
citq; eum ascendere currum suum, vt omnes præpo-
situm esse scirent eum vniuersæ terræ Ægypti: sic nunc
Vniuersitas nostra, ornamenta & insignia sua, hæc ipsa
sceptra, iura & libertates, annulosq; suos signatorios
tibi tradet, teq; quem caput suum constituit, currum
seu cathedram hanc honoris per me ascendere iubet,

ut scias illud de tē dici posse, Currus Israël, & auriga
cius. Hunc igitur locum foelicissimo omine iam con-
scende, talemque te esse, qualem mea depinxit
oratio, imo longè maiore omnibus testare.

DIXI.

ANDREÆ SCHONEI S. T. D. CA-
nonici S. Floriani. Ad Autorem.

MAiórne ingenio sis, acri iudicióue
Foxi, non possum dicere, crede mihi.
Dicere sed possum, te doctè scribere cuncta,
Laudare & verè, corde bonoq; bonos.
Nec DOBROCIESKI meliorem quivit habere
Præconem, nec tu materiam similem.
Viuite fælices ambo, & virtutibus amplis,
Illustrare orbem peigite Sarmaticum.

AD MAGNIFICVM RECTOREM
Academiæ Crac.

Sic dent, optime Nicolæ, vitæ
Longos astra tibi dies benigna,
Quàm veris tibi, candidus bonusque,
Verbis, Foxius ista gratulatur.
Quæ dictis luculentus explicauit,
Quàm sint grandia, docta, & ampla sceptrâ

Illâ,

Nulla, tam benè sæpè quæ tulisti,
Nostris vndique commodus Camænis.
Quòd si qui inuidet, inuidet Mineræ
Ægida, & Pythio suas sagittas,
Et lucem tibi Phœbe, & arma Marti.
At nos, his meliora sentientes,
Sceptra isthæc tibi gratulamur, & te
Nostris litterulis diu patronum,
Votis omnibus vsque & vsque auemus.

Gabriel Ioannicius, Philoso-
phiæ & Medicinæ Doctor.

Eiusdem ad Autorem.

DVM quæ Rectoris sint partes ordine pandis,
Nicoleum & veris laudibus accumulas.
Verba diserta, animus sapiens, mens pròpta, voluntas
Communi æqua rei, iudiciumque graue,
Tantum in te elucet, vt te nec liuor iniquus
Carpere, lædere nec lingua maligna queat.
Et monitorem ergo genitrix Academia talem,
Et laudatorem Rector habere velit.







Biblioteka Jagiellońska

sidr0012835

